



**ISMAIL** (depan lima dari kanan) mengambil gambar kenangan bersama pendaki sebelum pelepasan.

# UMS kibar Jalur Gemilang, 14 bendera negeri di puncak Kinabalu

*UB 23.9.2014 A5*  
**KUNDASANG:** Seramai 15 peserta terdiri daripada pelajar baharu, kakitangan, alumni Universiti Malaysia Sabah (UMS) dan rakan strategik universiti itu menyemarakkan sambutan Hari Malaysia melalui program Kibarkan Jalur Gemilang dan 14 bendera negeri di puncak Gunung Kinabalu pada Rabu.

Timbalan Naib Canselor (Hal Ehwal Pelajar dan Alumni) UMS Prof Dr Ismail Ali berkata, program yang julung kalinya dianjurkan Jabatan Hal Ehwal Pelajar (JHEP) itu bertujuan menerangkan semangat patriotik dalam kalangan pelajar dan masyarakat majmuk di Malaysia. "Selain sebagai salah satu cara menzahirkan rasa 'Sayangi Malaysiaku', para pendaki ini memerlukan kekuatan fizikal dan mental serta semangat yang tinggi untuk menawan puncak Gunung Kinabalu sekali gus mengibarkan Jalur Gemilang dan 14 bendera negeri di Malaysia.

"Dalam masa yang sama, program ini juga satu wadah untuk mengeratkan lagi hubungan silaturahim di antara pelbagai agensi yang terlibat yang mewujudkan interaksi serta perkongsian ilmu dalam kalangan para peserta pendakian kali ini," katanya selepas menyempurnakan

pelepasan peserta di Timpohon Gate, Kinabalu Park.

Salah wakil rakan strategik UMS dari MASwings, Leslie Vitalis ketika ditemui media berkata ia merupakan pendakian pertama kali yang disertainya dan merasa apatah lagi ia diadakan bersempena sambutan Hari Malaysia.

"Syabas dan tahniah juga saya ucapkan kepada pihak UMS

kerana menganjurkan program yang amat bermanfaat khususnya dalam meningkatkan kesedaran dan semangat patriotisme dalam kalangan generasi muda hari ini," katanya yang merupakan seorang pramugari.

Turut hadir pada program itu, Ketua Jabatan JHEP UMS Ahmadi Nurudin dan Pegawai Eksekutif Maswings Aminuddin Zakaria.



**ANTARA** peserta yang mendaki Gunung Kinabalu bagi mengibarkan Jalur Gemilang dan 14 bendera negeri di puncak gunung. Turut kelihatan Leslie (depan, kanan).